



Schnitzelbank 1922

1. Jetzt isch d'Fasnacht wieder Mode,
Alles frait sich — trotz Synode
2. Trotz em Bernardi und sym Töff,
Dr Theatertag isch gsi e Blöff.
3. Im Mässpalast gits Fäscht uf Fäscht,
Jä Basel wird e luschtig Näscht!
4. De Riechemer fällt s'Feste y,
Si sin scho drei Johr hindedry.
5. Kaput goht der Naturschutzbund,
D'Schuellehrer bringe nen uff der Hund.
6. D'Regierig jagt der Strub zum Teufel.
In där Affäre blybe — Zweufel.
7. Es wärde Birger Schwob und Jidd,
Regierigsret nur wärde's nit.
8. Im Grossrot sin Ohrfyge feil,
O wurde si no mängem z'Teil.
9. Ass me sich prieglet iber's Ohr,
Kunnt au by's Passevischwärks vor.
10. Jetzt mänge in Konkurs muess grote,
s'Kantonsblatt kriegt e nobli Note.
11. Dr Ryhafe wär barat fir d'Flotte,
Doch gits e Feier nur fir Krotte.
12. Viel, wo sunsch iber d'Schwobe flueche,
Gehn dert go ihre Kleider sueche.
13. Dr Sankt Moritzer-Singer-Bummel,
Entpuppt sich als e blosse Bschummel.
14. E Lym isch d'SBB-Reform,
In Bärn wachst d'Bureaukratie enorm.
15. Zem Zahle isch der Basler guet,
Dno d'Schueh me an em putze tuet.
16. Dr Kunstkredit macht mängem gruse,
Bim Minster lehrt der Schuelbueb schmuse.
17. Fir d'Gauner z'fange nutzt's kai Bohne,
Ass d'Schugger koschte zwei Millione.
18. So kennt e mängs no fire ko,
Doch mir wänd wieder wyters goh.

